



10. december 2007

Inatsisartut suleriaasianni § 36 imm. 1 naapertorlugu Naalakkersuisunut imaattumik apeqquteqarpunga:

Pisortat kigutitigut peqqissuutitsinissaq, kiisalu 2008-miit 2012-imut kigutiginnerulernissaq siunertaralugu anguniagassatut nutaatut sukumiisutullu siunniussaat pillugu Naalakkersuisunut apeqquteqaatit.

(Inatsisartunut ilaasortaq, Palle Christiansen, Demokraatit)

Tunngavigisaq:

“Anguniagaq tassa ukioq 2012-imi meeqqat qulingiluanik ukiullit 80%-iisa kigutimikkut putuerunnissaat. Qaammarsaaneq, kigutit peqqissusaat tunngavigalugit nalunaarsuineq kiisalu meeqqanut angajoqqaavinullu tunngatillugu pinaveersaartitsinissaq siunertaralugu paasisitsiniaanisaq pinaveersaartitsinissamik suliniuteqarnermi tunngavigineqassapput.”

Taamatut pisortat tusagassiutinut nalunaaruteqarnerminni kigutit paarineqarnissaannik suliaqartut tamanut ammasumik nalunaaruteqarnerminni 5. decemberimi allagaqarput, taakkualu allagaat www.nanoq.gl -imu t nalunaaruteqarnerminni imaqarpoq.

Tusagassiutit aqqutigalugit avammut nalunaaruteqarnerup nutaap annertuunillu anguniagaqarnermik siunertallip Naalakkersuisunut apeqquteqaatinik makkunanga apeqquteqarnissamut tunngavissippaanga:

1. Naalakkersuisut qunnuvigineqarput ullumikkut pisortat kigutitigut peqqissuutitsiniarnermi atorfiit inuttasaqartinneqanngitsut qassiunersut nalunaarutigeqqullugit, kiisalu anguniakkat taama annertutigisut anguneqarnissaat piviusunngortinneqassappata taakkua saniatigut qassit atorfinitsinneqassanersut?
 - a. Naalakkersuisut qinnuvigineqarput anguniakkat taama annertutigisut piviusunngortinneqassappata atorfiit inuttalerneqarnissaat pinngitsoorani pisussanngusasoq qanoq ilillutik inuttalerneqarnissaat Naalakkersuisut qanoq takorloorneeraat?
2. Meeqqat qulingiluanik ukiullit 80%-iisa 2012-mi kigutaasa putuerunnissaannik anguniagaqarluni siunniussaqaarnerup anguneqarnissaa Naalakkersuisut piviusorsioertutut isiginerlugu? Akissuteqaatit tunngavilersoqquneqarput.
3. Anguniakkatut siunniussat taama annertutigisut anguneqassappata tamanna pisortanit qanoq annertutigisumik aningaasartuutigineqassanersoq Naalakkersuisut qanoq naatsorsuutigaat?
4. Tamatuma kingornatigut kigutileriffeqarfik imaattumik avammut tusarliussaqaarpoq:



“1. januar 2008 aallarnerfigalugu kigutit peqqissusaasigut nalunaarsuineq pinngitsoorani ingerlanneqartoq meeqqanut ukuninnga ukiulinnut atuuttussanngortillugu annertusineqarpoq, 3-nik, 6-nik, 9-nik. 12-nik aamma 15-nik ukiulinnut. Nalunaarsuineq tamanna ukiup 2012-imi meeqqat qulingiluanik ukiullit 80%-iisa kigutaasa putuerunnissaasa anguniarnissaannut tunngavigineqarpoq. Taamaattumik nalunaarsuineq kigutitigut peqqussutsimik nalilersuinermi siunniussinermilu qitiusumik sakkussaavoq.”

Nalunaarsuineq tamanna kia ingerlatissavaa. Kigutit nakorsaasa nukitik piffissartillu nalunaarsuinerinnavimmut, kigutininik nakorsaanermik akilerlugu, ingerlatsilinnginnissaat Naalakkersuisut qanoq qulakkeerniarpaat?

Apeqquteqaatit ullut suliffiusut qulita qaangiutsinnagit akissuteqarfigineqarnissaat kissaatigaara.